

九月季秋涼謝尊官重獻霞漿難當厚禮重重愛世中名利貪  
爭俗慮身坐心忙 道化怕無常三十年總敬丹陽東萊滿郡  
無疑妄天元慶會這番歸去朝見天皇

又

念道玉漿多得真歡大笑呵呵自然酩酊逍遙快依山臨水雲  
霞洞外忻後高歌 世景急如梭戀恩山灑灑波波若肯回頭  
歸真一烹鉛鍊汞功成行滿昇八煙羅

又

迷者似河沙想世間學者如麻萬中敬信無一悟觀今視古浮  
生濁夢箇箇都差 達了莫矜誇訪洞天閑臥煙霞他年歸去

道藏輯要

仙樂集

卷

胃集四

方知得瑤臺闈苑神仙樂處四序仙花

武陵春

遙望峒山山正好瑩瑩正芬芳佳節春溫春書長最好泛霞漿  
酩酊歌歡忘世慮吟笑勝輕狂來往仙鄉住道鄉過此慶重

陽

又

辛酉仲春遊坎上終日坐春園異景奇葩在目前樹下勝筠軒  
世夢知空且放下自在似真仙美醞開樽會眾賢樂道謝高

天

感皇恩

道釋與儒門真通法海易妙陰陽外自然解金剛至理頓覺無  
爭泯愛五千玄言奧夷明大 微光運轉結成雲蓋霞輝常照  
體何呈礙松枯石爛巨貌古今真在他年功行滿昇仙界

又

聖觀號天長星冠雲服養成金玉體真無朽信知大道自然無  
中明有世華心不戀遊王屋 外貧保命隱真居陋巨初無相  
貌勝豐厚桑田海變這箇無形堅久暗祝五

皇德齊天壽

望遠行

令子根苗裔雲水通行步頓覺了希夷微妙明千古去塵寰歷

道藏輯要

仙樂集

辛

胃集四

徧看來都無伴侶世人愛不愛高真許 達道完性命永免輪  
回苦隱福地松峯霞洞自在處待養就金鉛玉汞真無濁慮六  
銖掛始應過三清舉

定風波

臨醮諸公戒行清動天感應福非輕玉潤瓊田農盡喜秋成穀  
田珠長豆苗生 要報天恩崇道德隨緣知足莫相爭且望焚  
香餐素饍無憎意平出語似仙經

又

甘雨及時貴似油今朝歡樂便無愁明夜耕田野外唱嘖牛動  
鞭輕打勝余修 過了天元難積行一麻一麥寸中收養就托